



**"I te cherdí con to ennom" dij le Signur.**

La ploania d'La Pli tol sō con ligreza te sōa comunité **Iyan Hochwieser** (Rara) y ti fej les miús aodanzas ai geniturs Peter y Debora: che Iyan pói cresce tla fede, vire tla speranza y sperimenté l'amur de Chel Bel Dio y dla jont.

- **Edema Santa:** eniann sarál val' novitês dai orars dles funziuns liturgiches dal vendres sanc y dla sabeda santa. Deache signor Tone jará a daidé fora ta San Martin sarál nosc ploan co tin les funziuns a Al Pany La Pli. Le Vendres Sanc é la funziun ales 15:00 tlo La Pli y ales 17:00 ia Al Plan; la Sabeda Santa é la funziun ales 19:00 ia Al Plan y ales 21:00 tlo La Pli.
- **Comegnun a ciasa:** en lõnesc de Pasca vegnel porté ince la Santa Comegnun tles ciasas. Chi co se dejidreia da la ciáfé dess se lascé adentene cina en Vendres Sanc pa Veronica Ellecosta Peslalz, ☎ 348 6926843.
- **Sorvidus:** por en Pasca periunse endô der bel do val' üs por nüsc ministranc y nostes ministrantes. Der bel iolan!
- **Mostra en segno de to amur:** la "Südtiroler Krebshilfe" met da jí en Pasca do la gran messa l'aziun „**Na resa por la vita**". Por Osc segno de solidarité Ves dijunse belo danfora bel iolan y Ves aodun na Bona Pasca!

## 1 Enformaziuns y termins

**Sorvisc ai Jogn:** les Scores dla Val Badia, adöm al Sorvisc ai Jogn, envieia der bel geniturs, insegnanc y interessés al referat online "Le emozioni nei bambini e come gestire i comportamenti difficili" con la psicologa Dr. Veronika Rottensteiner. Le referat gnará tigní en dedemesaledema, ai 13 d'aró dales 18.00 tres la plataforma Zoom. Cösc é le link por tó pert: <https://zoom.us/j/99472798618>.

<b>Döt le bun a:</b>	Paola Maria Palfrader	* 10.04.1933
	Teresa Willeit Irsara, <i>Badia</i>	* 11.04.1941
	Maria Anna Ellecosta, <i>Trens</i>	* 12.04.1936
	Giovanni Pedevilla, <i>San Iere</i>	* 13.04.1938
	Tone Feichter	* 13.04.1938
	Elena Maria Daverda ved. Ellecosta	* 14.04.1937
	nosc Papa emerité Benedet XVI.	* 16.04.1927
	y a düc chi co á santennom y complesc i agn cöst'edema	

**Impressum:** Ploania d'La Pli; redaziun Franz Rigo y Edith Willeit  
**Comunicaziuns:** cina le dedemesaledema sera a Franz Rigo, ☎ 347 2310129 o ✉ ploania@gmx.net  
**Download plata:** [www.unitepastorala.org](http://www.unitepastorala.org)



# Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas  
✉ [klsottsas@rolmail.net](mailto:klsottsas@rolmail.net)

Calogna Al Plan: ☎ 0474 501006  
Radio de Ploania: 93,00 MhZ

UNITÉ PASTORALA



**VAL BADIA**  
[www.unitepastorala.org](http://www.unitepastorala.org)

Ann C

10.04.2022 – DOMEGNA DAL ORI Y EDEMA SANTA

n. 20

## Benedí chel co ven tal ennom dal Signur

📖 Lc 19, 28–40 | Is 50, 4–7 | Fil 2, 6–11 | Lc 22, 14 – 23, 56

### Dal Vangelo do San Lúca:

Te chel tomp <sup>28</sup>é Gejú jü sō cuntra Ierúsalem. <sup>29</sup>Canch'al ea roé dlungia Bétfaghe y Betánia sōn che munt ch'an ti dij Munt dal Orí, ál orcé dui discepuj danfora <sup>30</sup>y ti á dit: Jide tal paisc che é dan nos. Canch'i roeis ete, ciáfareise n müsc jonn taché sōn chel ch'al n'é ciamó sté degügn che s'á sonté. Destachedele, y condejedele adalerch! <sup>31</sup>Y sce zacai ves damana: Ciodi le destacheise pa?, spo respognede: Le Signur l'adora. <sup>32</sup>I dui é piá ia y á urté döt desch'al ti á dit. <sup>33</sup>Canch'ai á destaché le polerin, ti á i patrunc dit: Ciodi destacheise pa le müsc? <sup>34</sup>Ai ti á respognü: Le Signur l'adora. <sup>35</sup>Spo á condüt le müsc jonn da Gejú, á motü sū guanc sōn le tier y á daidé sō Gejú. <sup>36</sup>Dertan ch'al raitá ennant, destenea i discepuj sū guanc ia por strada. <sup>37</sup>Canch'al ea roé tal post olache le tru va dala Munt dal Orí jō pert, á düc i discepuj motü man dala ligreza da laldé dadalt Idio por dōtes les opres miracoloses ch'ai á odü. <sup>38</sup>Ai scraia: Benedí sides le re co ven tal ennom dal Signur. Pêsc tal ci y gloria sō alalt! <sup>39</sup>Danló ti á scraie pomez valgügn farisês fora dla meja: Maester, met a scuté tü discepuj! <sup>40</sup>Ai á respognü: I ves diji: Sce chisc scuta, saral les peres che scraia.

**I ponsun do:** *Trec cristiagn porta encō rames de belorí te sōa ciasa y les met sō dal Crist. Porté le belorí é n omaje a Gejú ch'an dess ince realisé tla vita da vignedé; sce i ne le fajun nia, danló „sarál les peres co scraia“.*

**I periun:** *Bel Dio, nos se detlarun por Gejú Crist, nosc Signur. Deidesse, ch'i ti junse do sōle tru co condüj tres la crusc ala ligreza da Pasca. Por el, co vir y regneia con te por dagnora.*

Vesco Wilhelm Egger "Sonntagsbibel"



📖 Letôres dla GRAN FESTA DE PASCA:

St.Ap 10, 34a.37–43 | Col 3, 1–4 | 1 Cor 5, 6b–8 | Jan 20, 1–18

Edema liturgica dai 10.04. ai 17.04.2022

<b>DOM 10.</b>	<b>FESTA DAL INGRES DE GEJÚ A IERÚSALEM</b> <i>Engelbert, Magdalena G.</i> <b>domegna dal orí</b>
<b>08:30</b>	<b>benedisciun dal belorí jö da paiun, prozesciun te dlijia gran messa</b> por döta la ploania con la Pasciun do San Lüca <b>3<sup>a</sup> s.m. de sopoltöra</b> dla † Maria Rindler ved. Daverda, Corterei <b>s.m.</b> por †† P. Martin y Sr. Ludovica Mühlmann, Baldessé → <b>corona dla comunité por † Maria Rindler ved. Daverda</b>
<b>14:00</b>	<b>funziun dal Bato de Iyan Hochwieser</b>
<b>Lön 11.</b>	<b>d'edema santa</b>   Gemma Galgani, Stanislaus → <b>de d'oraziun te familia</b>
<b>Ded 12.</b>	<b>d'edema santa</b>   Zeno, Herta
<b>07:30</b>	<b>s.m.</b> por †† Jep, Rosa y Maria Ellecosta de Lüchesc <b>s.m.</b> por † Iachin Ellecosta, Lüchesc/Falzes <b>s.m.</b> por † Jep Lanz, dal Pico
<b>Dem 13.</b>	<b>d'edema santa</b>   Martin I., Ida → <b>de d'oraziun te familia</b>
<b>Jöb 14.</b>	<b>JÖBIA SANTA</b>   Valerian, Lidwina, Erna
→ <b>19:30</b>	<b>s.m. dl'Ultima Cena</b> de ringraziament por l'Eucaristia y le Sazerdoze, <b>s.m.</b> por i mituns y les mitans dla Pröma Comegnun y söes families <b>adoraziun dal SS. Sacramont</b> tla „Fossa Santa“, <b>velia</b> con la Joneza
<b>Ven 15.</b>	<b>VENDRES SANC</b>   Hunna, Damian → <i>jain y astinonza dla cern</i>
→ <b>15:00</b>	<b>liturgia dal Vendres Sanc</b> con la Pasciun do San Jan adoraziun dla Santa Crusc → <b>oferta de Carsema</b>
<b>Sab 16.</b>	<b>SABEDA SANTA</b>   Bernardette Soubirous, Benedikt Josef Labre
→ <b>21:00</b>	<b>funziuns dla Net de Pasca:</b> benedisciun dal fù y dal cere, “Exultet”, liturgia dla Parora, <b>s.m.</b> ciantada por la pesc benedisciun dal'ega y renovamont dles empormetüdes dal Bato ♪ Ernst Tittel, “Kleine Festmesse”
<b>DOM 17.</b>	<b>GRAN FESTA DE PASCA</b> <i>Eberhard, Rudolf, Max Josef</i>
<b>08:30</b>	salüde ala festa, “Vidi aquam”, <b>gran messa</b> ciantada solena por döta la ploania, <b>benedisciun dal signé,</b> → <i>oferta por nosc Cor</i> ♪ Wolfgang Amadeus Mozart, Missa brevis in C “Spatzenmesse”
<b>14:00</b>	<b>espi da festa</b> y benedisciun eucaristica
<b>ampola:</b>	por la pêsc dampró y dalunc
<b>ministronc:</b>	• <b>dedolönesc y sabeda:</b> Isabel y Jonas • <b>jöbia y domegna:</b> Daniel y Maria
<b>i recordun:</b>	Germana Lanz Pezzei, Schweiz † 10.04.2014

 **La parora de Dio - secunda letöra dla domegna dal orí**

**Dala secunda letra de San Paul ai Filipesc** (*Filipesc 2, 6-11*)

<sup>6</sup>Gejú Crist ea anfat desco Idio, al n'á nia tigní ben dio lassora de ester desco Idio, <sup>7</sup>mo al s'an n'á desdit de se enstes, y é diventé desco n stlaf y anfat desco la jont. Söa vita ea chera de n chescian: <sup>8</sup>**al s'á arbassé y s'á fat olghent cina ala mort, cina ala mort söla crusc.** <sup>9</sup>**Porchel l'à Idio inalzé sora düc** y ti á dé n ennom, co é maiú co düc i ennoms, <sup>10</sup>por che düc tal ci, söla tera y sot la tera s'ensleni dan dal ennom de Gejú <sup>11</sup>y vigne lenga professi: "Gejú Crist é le Signur" a gloria de Dio, le Pere.

**Domegna dal orí**

**Ponsier y suplica**

Gejú, tö es en re dal amur y dla pêsc. Tö daüres sö nosc cör. - **I te rengraziun.**  
Gejú, tö es atló por la jont. Da te sontiunse l'amur de Chel Bel Dio. - **I te rengraziun.**  
Gejú, tö es döt en n'ater re. Tö es dla meseria, mo to cör é tan rich. Deidesse ince nos odei ete ci co conta veramonter te nosta vita. - **I te periun ascutesse.**  
Gejú, tö es jü a Ierusalem desco re dla pêsc. Mostresse co ch'i podun mantigní la pêsc. - **I te periun ascutesse.**

**Oraziun**

Gejú, tö es tan bun con nos. Tö se mostres desche Chel Bel Dio é.  
I te dijun iolan che te se cuntés de Chel Bel Dio.  
I te dijun iolan por to coraji.  
I te dijun iolan por töa forza.  
I te dijun iolan por to amur.  
Tö es nosc re.

**Jöbia Santa**

**Ponsier y suplica**

Gejú, tö es dagnora pa nos tal pan y tal vin. - **I te rengraziun.**  
Gejú, tö ti as laé i pîsc ai apostui. Tö os ester sorvidú de döta la jont. - **I te rengraziun.**  
Trepä jont mess ciamó se döré fan. Deidesse capí co ch'i podun fá da partí. - **I te periun ascutesse.**  
Gonot se sal bel da ponsé ma a nos. Mostresse desch'i podun ince ester sorvidus dai atri. - **I te periun ascutesse.**

**Oraziun**

Gejú, tö os ester l'amich de döta la jont.  
Tö s'envieies da ester pa te tal pan y tal vin.  
Ensciö sunse na gran comunité. Nos düc sün liés önn al ater tres te.  
Sieste tö döt le de amesa nos.

**Vendres Sanc**

**Ponsier y suplica**

Gejú, tö es nosc ejempl canch'i messun soporté de rí momonc. - **I te rengraziun.**  
Gejú, tö nes as mostré ch'an pó ester stersc ince sc'an mess patí. - **I te rengraziun.**  
Gejú, stái dlungia a chi co se sont susc y desmoncés. - **I te periun ascutesse.**  
Gejú, mostresse co ch'i podun daidé porsones co á trep da patí. - **I te periun ascutesse.**

**Oraziun**

Gejú, tö ti as orü bun ala jont cina ala mort. La cursc se deida recordé to amur.  
Ensciö é gnüda la cursc segn de speranza y de vita.  
Gejú, de cösc amur te rengraziunse y por cösc te laldunse.